



**UPUTSTVO ZA PRIJAVU, IZRADU I ODBRANU MAGISTARSKOG RADA U
OKVIRU II CIKLUSA STUDIJA NA UNIVERZITETU U TRAVNIKU**

Mart 2011.

U skladu sa članom 26. Statuta Univerziteta u Travniku, a u svrhu detaljnije razrade Pravila za II ciklus studija na Univerzitetu u Travniku i olakšavanja postupka prijave i pripreme magistarskog rada studentima II ciklusa studija, Senat Univerziteta u Travniku, na svojoj sjednici održanoj dana 28.03.2011. godine, donio je

UPUTSTVO ZA PRIJAVU, IZRADU I ODBRANU MAGISTARSKOG RADA U OKVIRU II CIKLUSA STUDIJA NA UNIVERZITETU U TRAVNIKU

I OPĆE ODREDBE

Član 1.

Magistarski rad je samostalan rad u kojem student obrađuje odabranu temu primjenom naučnih i stručnih metoda, te dokazuje da je savladao nastavni plan i program studija, stekao potrebno znanje i osposobio se za njegovu primjenu.

Pored zahtjeva iz stava jedan ovog člana, student u magistarskom radu treba da pruži dokaze da se uspješno koristi metodama u stručnom ili naučnom radu, u izlaganju rezultata istraživanja, kao i da je osposobljen da izvodi zaključke na osnovu tako realizovanih istraživačkih zadataka.

Rezultati izneseni u završnom radu treba da predstavljaju doprinos:

- sistematizaciji naučnih ili stručnih zadataka i postojećih rješenja za određenu oblast;
- rješavanju aktuelnog naučnog ili stručnog zadatka koji je postavljen kao cilj rada;
- primjeni postojećih naučnih ili stručnih dostignuća u rješavanju kompleksnog stručnog zadatka.

Izrada magistarskog rada sastoji se od:

- a) Izrade prijave teme magistarskog rada,
- b) Izrade magistarskog rada,
- c) Odbrane magistarskog rada i
- d) Ocjene magistarskog rada.

II IZRADA PRIJAVE TEME MAGISTARSKOG RADA

Član 2.

Prijavu teme magistarskog rada kandidat podnosi na unaprijed propisanom obrascu, koji sadrži:

- Naznaku teme rada
- Obrazloženje teme – opis problema
- Ciljeve istraživanja
- Zadatke istraživanja
- Opće hipoteze

- Radne teze (strukturu rada)
- Metode istraživanja
- Očekivane rezultate
- Izvore i literaturu

(PRILOG BR.1)

Član 3.

Prijavi teme magistarskog rada obavezno se prilaže popratni akt u formi zahtjeva za prijavu teme (PRILOG br.2), kao i kratka biografija kandidata (PRILOG br.3).

Član 4.

Prijava teme magistarskog rada sa pratećim prilogima dostavlja se Nastavno naučnom vijeću fakulteta, putem studentske službe u tri originalna primjerka.

II IZRADA MAGISTARSKOG RADA

II.a. Struktura magistarskog rada

Član 5.

Prvo poglavlje sadrži uvodno razmatranje.

Drugo poglavlje sadrži metodološki okvir istraživanja.

Centralno poglavlje (jedno ili više) sadrži aspekte obrade problema, prikupljanja i analize podataka uz primjenu odgovarajućih naučnih metoda/tehnika/metodologija, softverskih alata, te komparacija sa ostalim relevantnim istraživanjima.

Prezentacija rezultata istraživanja i njihova interpretacija.

Zaključci i preporuke za dalje istraživanje.

Spisak korištene literature.

Prilozi

II.b. Obim magistarskog rada

Član 6.

Magistarski rad treba da bude obima 80 do 120 strana, ne uključujući popis literature i priloge.

II.c. Tehnička obrada magistarskog rada

Član 7.

Magistarski rad treba da bude korektno jezički, stilski i tehnički oblikovan u skladu sa savremenim postupcima izrade naučnih publikacija.

Prikazi, slike, tabele i dijagrami kao sredstvo vizuelnog prikaza se mogu koristiti u pojašnjavanju i ilustraciji teksta rada.

Korice magistarskog rada su tamno plave boje sa bijelim slovima i sadrže: logo Univerziteta u Travniku, naziv Univerziteta (Times New Roman, 14), naziv i sjedište organizacione jedinice - Fakulteta (Times New Roman, 14), odsjek/smjer (Times New Roman, 14), tačan naziv teme rada (Times New Roman, 16), ime i prezime mentora (Times New Roman, 14), ime i prezime kandidata (Times New Roman, 14), broj indeksa kandidata (Times New Roman, 14), te datum i mjesto predaje rada (Times New Roman, 12). (PRILOG br.4.)

Nakon korica izrađuje se prva unutrašnja stranica – naslovna stranica magistarskog rada koja je identična koricama, a potom slijedi stranica sa dodatkom informacija o kandidatu i magistarskom radu i to:

PODACI I INFORMACIJE O KANDIDATU MAGISTARSKOG RADA:

1. Ime i prezime,
2. Datum i mjesto rođenja ,
3. Mjesto i adresa stanovanja,
4. Naziv završenog fakulteta i godina diplomiranja.

INFORMACIJE O MAGISTARSKOM RADU:

1. Naziv master studija
2. Naslov magistarskog rada
3. Mentor
4. Broj i datum odluke Nastavno naučnog vijeće kojom je rad prihvaćen
5. Datum odbrane magistarskog rada (upisuje se na dan odbrane)

SASTAV KOMISIJE ZA ODBRANU MAGISTARSKOG RADA:

- 1) Ime i prezime predsjednika komisije
- 2) Ime i prezime mentora
- 3) Ime i prezime člana komisije
- 4) Ime i prezime zamjenskog člana

POTPIS MENTORA

(PRILOG br. 5)

Poslije prve unutrašnje stranice slijedi sadržaj magistarskog rada i originalni konačni tekst magistarskog rada.

Sadržaj treba biti pregledan i poglavlja postavljena određenim i konzistentnim redoslijedom, sa jasno naznačenim naslovima, međunaslovima i poglavljima koji trebaju svojom numeracijom izražavati logičku konzistenciju rada. (PRILOG br.6)

Citiranje se vrši prema općevažećim akademskim normama. Kandidat može koristiti harvardski ili kontinentalno-europski (Chicago Manual of Style) način citiranja (PRILOG br.7).

Korištena literatura-bibliografija se treba navoditi prema općevažećim akademskim normama. (PRILOG br. 8).

Magistarskom radu treba priložiti potpisanu izjavu o plagijarizmu (PRILOG br.9) koja treba biti ukoričena sa radom.

Magistarski rad se radi u 5 primjeraka i koriči se u čvrstom povezu u skladu sa stavom 3. ovog člana Uputstva, a prije koričenja i predaje mentor svojim potpisom daje saglasnost.

Rad treba biti tehnički uređen na sljedeći način:

Naslovi poglavlja	Times New Roman	12 pt.	Naglašeno-Bold
Naslovi potpoglavlja	Times New Roman	12 pt.	Kurziv- ukoso-italic
Opći tekst	Times New Roman	12 pt.	1,5 prored, Justify (obostrano poravnanje teksta)
Izdvajanje	Times New Roman	12 pt.	Kurziv-ukoso-italic
Fusnota	Times New Roman	10 pt.	1 prored, justify (obostrano poravnanje teksta), uvučen 0,5 cm
Literatura – bibliografija	Times New Roman	12 pt.	1 prored, justify (obostrano poravnanje teksta), uvučeno 1 cm
Broj stranica	Times New Roman	12 pt.	Dolje desno

Margine teksta: gornja 2cm; donja: 2cm; lijeva 2,5cm; desna 2 cm.

Tekst, sadržaj, naslovi i podnaslovi, citiranje, fusnote i spisak literature moraju biti crne boje.

Prije svakog naslova i podnaslova trebaju biti dva slobodna reda, a nakon svakog naslova (a prije teksta) jedan slobodan red.

III PROCEDURA ODBRANE ZAVRŠNOG RADA

Član 8.

Kandidat nakon odslušanih predavanja predviđenih Nastavnim planom i programom studija, stiče pravo prijave magistarskog rada.

Prijava za odobrenje teme sa priložima se podnosi u skladu sa članom 4. ovog Uputstva.

Prijava mora biti potpisana od strane kandidata i odabranog mentora.

Nastavno naučno vijeće, po prijemu prijave, formira komisiju za ocjenu i odbranu magistarskog rada, na čiji sastav traži saglasnost Senata Univerziteta.

Komisija za magistarski rad sastoji se od tri člana, od kojih najmanje dva moraju biti iz naučno-stručne oblasti iz koje je tema magistarskog rada, a jedan od članova Komisije je u pravilu mentor.

Pored članova Komisije iz stava 2. ovog člana Nastavno-naučno vijeće će odrediti jednog ili dva zamjenika člana Komisije, koji će obavljati funkciju u slučaju opravdane spriječenosti nekog od članova Komisije.

Zamjenik mora biti iz naučno-stručne oblasti iz koje je tema magistarskog rada.

Zadatak je Komisije za magistarski rad da ocijeni podobnost teme za samostalnu naučnu obradu i ocijeni da li kandidat ispunjava propisane uvjete, a po predaji magistarskog rada da izvrši ocjenu i odbranu rada o čemu podnosi izvještaj odgovarajućoj katedri.

Temu magistarskog rada odobrava Nastavno-naučno vijeće Fakulteta na prijedlog i na temelju izvještaja o temi i kandidatu, kojeg sačinjava imenovana komisija, uz saglasnost Senata Univerziteta.

Izvještaj o ocjeni magistarskog rada sadrži sljedeće elemente: biografiju ili curriculum vitae magistranta, opis i sadržaj magistarskog rada, ocjenu magistarskog rada, ocjenu naučnog (manje) i stručnog (više) doprinosa u rješavanju određenih problema, zaključak i prijedlog, u obimu od tri do pet stranica.

Odluka o usvajanju izvještaja i datumu odbrane dostavlja se studentu i objavljuje na oglasnoj ploči, odnosno web stranici Fakulteta

Nastavno-naučno vijeće donosi konačnu odluku o usvajanju Izvještaja Komisije, odnosno prihvatanju magistarskog rada i odluku o zakazivanju odbrane.

Ukoliko komisija ili Nastavno-naučno vijeće ne prihvate završni rad, kandidat može izvršiti ispravku u skladu sa primjedbama ili podnijeti novu prijavu teme završnog rada u roku od 30 dana od dana prijema odluke o odbijanju.

Kandidat putem protokola dostavlja Službi za rad sa studentima pet primjeraka tehnički završenog rada (tvrdi povež + elektronska forma).

Javna odbrana se zakazuje i objavljuje najmanje 7 dana prije zakazanog datuma odbrane završnog rada na web stranici Fakulteta.

III.a. Prezentacija i usmena odbrana magistarskog rada

Član 9.

Pred Komisijom student usmeno brani urađeni magistarski rad nakon pozitivnog izvještaja Komisije i odobrenja Nastavno naučnog vijeća fakulteta za javnu odbranu rada, sljedećim redoslijedom:

Otvaranje postupka odbrane od strane predsjednika komisije,
Kandidat izlaže glavne ciljeve i rezultate istraživanja (do 30 min.),
Komisija daje svoje komentare i postavlja pitanja (10-15 min.),
Kandidat odgovara na pitanja komisije (10-15 min.),
Komisija se povlači na konsultacije,
Predsjednik Komisije saopštava konačnu Odluku.

III.b. Ocjena magistarskog rada

Član 10.

Magistarski rad se ocjenjuje na sljedeći način:

5 (F) – ne zadovoljava minimalne kriterije i potrebno je više rada,
6 (E) – zadovoljava minimalne kriterije,
7 (D) – općenito dobar, ali sa značajnim nedostacima,
8 (C) – prosječan sa primjetnim greškama,
9 (B) – iznad prosjeka, sa ponekom greškom,
10 (A) – izuzetan uspjeh sa neznatnim greškama.

PRILOZI

UNIVERZITET U TRAVNIKU

(Naziv i sjedište organizacione jedinice – Fakulteta)

II CIKLUS STUDIJA

NAUČNO-NASTAVNOM VIJEĆU
PUTEM RUKOVODIOCA II CIKLUSA STUDIJA

PRIJAVA TEME MAGISTARSKOG RADA

AKADEMSKA 20__/20__ GODINA

Ime i prezime studenta/studentice:	
Broj indeksa (upisnice) studenta	

Datum i mjesto _____

Naznaka teme rada:

Naslov treba da je koncizan, sugestivan, kratak, jezgrovit, sadržajan, sposoban da izvede neke predodžbe.

Obrazloženje teme-opis problema:

Obrazloženje treba pokazati razlog koji, po vašem stručnom mišljenju, opravdava prihvaćanje i rad na temi koju predlažete. Struktura obrazloženja treba imati dva osnovna svojstva: preciznost i konciznost. Opseg obrazloženja teme iznosi od 600 do 1200 riječi.

Ciljevi istraživanja:

Ciljeve istraživanja treba nabrojati taksativno, svaki u zasebnom redu (numerirajući ih sa 1) 2) 3)... ili a) b) c)...).

Zadaci istraživanja:

Kao i ciljeve, i zadatke istraživanja treba nabrojati taksativno i svaki u zasebnom redu, pri tome ih također numerirati na jedan od dva načina.

Opće hipoteze

Shodno Vašem mišljenju, konsultiranom materijalu te usmenom razgovoru s mentorom, na ovom mjestu taksativno, u zasebnim redovima te uz numeriranje, izložite osnovnu hipotezu /hipoteze za koje mislite da će biti potvrđene u vašem radu, zavisne I nezavisne varijable, kondicionu, relaciju I kauzalnu međuzavisnost među varijablama.

Radne teze (struktura rada)

Radne teze treba da sadrže okvirnu strukturu rada (dijelovi, glave, poglavlja), precizno označene i numerisane

Metode istraživanja

Metode rada nabrajaju se taksativno, svaka u zasebnom redu, obavezno numerirane, uz objašnjenje kako značenja same metode, tako i njenoga uklapanja u vaš rad. To objašnjenje treba biti opsega 30 do 50 riječi.

Očekivani rezultati

Kratak pregled očekivanih rezultata istraživanja koje treba da bude odraz sopstvenog mišljenja koje proističe iz suštine rada, a koje se iznosi kritičkim, jasnim i kratkim rečenicama. Također treba da sadrži praktične aspekte istraživanja i doprinos istraživanja

Izvori i literatura

U izvore i literaturu uvrštavaju se sva djela koja autor koristi, numerirana ili samo označena (naprimjer crticom ispred). Korištenu literaturu potrebno je poredati po abecednom redu i razdvojiti na sljedeći način:

1. navesti knjige i udžbenike
2. navesti zakonske i podzakonske akte sa brojem službenih glasila u kojem su objavljeni (ukoliko su korišteni)
3. navesti ostale izvore koji su korišteni (precizne internet adrese, članke, enciklopedije, leksikone i druge izvore ukoliko ih ima)

Prilikom navođenja literature, označiti istu na sljedeći način: prezime i ime autora/institucije/, naziv udžbenika/knjige/ monografije/drugih izvora, izdavač, godina izdanja (po abecednom redu).

PRILOG br. 2 PRIJAVA TEME MAGISTARSKOG RADA – popratni akt

IME I PREZIME

ADRESA STANOVANJA / BROJ TELEFONA

DATUM I MJESTO:

Predmet: **Prijava teme magistarskog rada**

Shodno odredbama člana 18. Pravila za II ciklus studija Univerziteta u Travniku prijavljujem temu magistarskog rada pod nazivom:

„-----“

Prijavi teme magistarskog rada prilažem:

1. Formular s nazivom i obrazloženjem teme i radnih teza rada
2. Životopis/curriculum vitae

Naučno-nastavnom vijeću _____ Univerziteta u Travniku za mentora
(naziv i sjedište organizacione jedinice)

predlažem prof. dr. sc. _____, s kojim sam surađivao/la pri pripremanju teme.

U očekivanju prihvatanja prijave teme magistarskog rada, zahvaljujem Rukovodiocu postdiplomskog studija i članovima Naučno-nastavnog vijeća Fakulteta na uspješnoj saradnji.

Potpis kandidata

PRILOG br. 3 – BIOGRAFIJA KANDIDATA

- | | |
|--|---|
| Lični podaci | <ol style="list-style-type: none">1. Ime i prezime:2. Datum i mjesto rođenja:3. Ime jednog roditelja: |
| Obrazovanje | <ol style="list-style-type: none">1. Završen fakultet, studijski smjer |
| Radno iskustvo | |
| Dodatne profesionalne aktivnosti, ako ih ima | |
| Članstva u društvenim udruženjima | |
| Poznavanje stranih jezika | |

PRILOG br. 4 – KORICE MAGISTARSKOG RADA



UNIVERZITET U TRAVNIKU

(naziv i sjedište organizacione jedinice)

ODSJEK/SMJER _____

----- (**NASLOV MAGISTARSKOG RADA**) -----

-magistarski rad-

Kandidat
(Prezime i ime)

Broj indeksa:

Mentor
(Prezime i ime)

Mjesto, mjesec i godina

PRILOG br. 5 UNUTRAŠNJA STRANICA RADA (nakon naslovne stranice)

PODACI I INFORMACIJE O KANDIDATU MAGISTARSKOG RADA:

1. Ime i prezime,
2. Datum i mjesto rođenja ,
3. Mjesto i adresa stanovanja,
4. Naziv završenog fakulteta i godina diplomiranja.

INFORMACIJE O MAGISTARSKOM RADU:

1. Naziv master studija
2. Naslov magistarskog rada
3. Mentor
4. Broj i datum odluke Nastavno naučnog vijeće kojom je rad prihvaćen
5. Datum odbrane magistarskog rada (upisuje se na dan odbrane)

SASTAV KOMISIJE ZA ODBRANU MAGISTARSKOG RADA:

- 1) Ime i prezime predsjednika komisije
- 2) Ime i prezime mentora
- 3) Ime i prezime člana komisije
- 4) Ime i prezime zamjenskog člana

POTPIS MENTORA:

PRILOG br.6 – SADRŽAJ MAGISTARSKOG RADA

SADRŽAJ

Sažetak/Abstract

Uvod

I. Teorijske osnove rada

II. Metodološki okvir rada

1. Problem istraživanja
2. Predmet istraživanja
 - 2.1. Kategorijalno pojmovni sistem
3. Ciljevi istraživanja
 - 3.1. Naučni cilj
 - 3.2. Društveni cilj
4. Sistem hipoteza
 - 4.1. Generalna hipoteza
 - 4.2. Posebne-pojedinačne hipoteze
 - 4.3. Sistem varijabli
 - 4.4. Sistem indikatora
5. Način istraživanja
6. Naučna i društvena opravdanosti istraživanja
7. Vremensko (i prostorno) određenje istraživanja

Prvi dio

Naslov prvog dijela

1. Prvi odjeljak prvog dijela
2. Drugi odjeljak prvog dijela
3. Treći odjeljak prvog dijela,...

Drugi dio

Naslov drugog dijela

4. Prvi odjeljak drugog dijela
5. Drugi odjeljak drugog dijela
6. Treći odjeljak drugog dijela,...

Treći dio

Naslov trećeg dijela

7. Prvi odjeljak trećeg dijela
8. Drugi odjeljak trećeg dijela
9. Treći odjeljak trećeg dijela,...

Zaključak

Bibliografija

Skraćenice

Popis tabela, dijagrama, histograma, skica, grafikona, karti, fotografija, šema, slika itd.

Prilozi

PRILOG br. 7 - CITIRANJE

CITIRANJE U TEKSTU (harvardski način citiranja):

daju se skraćene informacije o referenci: autor, godina i stranica u samom tekstu.

“tekst tekst tekst” (autor godina: str.) tekst tekst.

[npr. (Filipović, 2004 : 16)]

“tekst tekst tekst” (autor i autor godina: str.) tekst.

[npr. (Filipović, 2000 : 3)]

Primjer: U pogledu nauke i ljudskog mišljenja „Mišljenje je najviši psihički proces i djelatnost koja se javlja u svijetu“. (Filipović, 2004 : 35).

CITIRANJE U FUSNOTAMA (kontinentalno-europski način citiranja):

daju se kompletna bibliografske informacije za svako djelo u fusnoti.

“tekst tekst tekst” *FUSNOTA* tekst tekst.

[npr. 1 Filipović, Muhamed 2004, Metodologija znanosti i znanstvenog rada, Svjetlost, Sarajevo, str. 35.]

Primjer:

U pogledu nauke i ljudskog mišljenja „Mišljenje je najviši psihički proces i djelatnost koja se javlja u svijetu“ 1Filipović, Muhamed, Metodologija znanosti i znanstvenog rada, Svjetlost, Sarajevo, str. 35.

PRILOG br. 8 - LITERATURA

LITERATURA TREBA:

Biti alfabetski poredana po prezimenu autora

Kod istog autora poredati djela po godini izdanja, te ako ima više djela istog autora u jednoj godini, dodati a, b, c... iza godine [npr. 2002b]

Referenca za knjigu:

Prezime, Ime godina publikacije, *Naslov*, Izdavač, Mjesto izdavanja. [npr. Filipović, Muhamed 2005, *Metodologija znanosti i znanstvenog rada*, Svjetlost, Sarajevo.]

Referenca za pojedini rad u zborniku sa više izdavača:

Prezime, Ime godina publikacije, "Naslov", u Prezime, Ime i Prezime, Ime (izdavači), *Naslov*, Izdavač, Mjesto izdavanja, brojevi stranica. [npr. Larsen, Henrik 2004, "Discourse Analysis in the Study of European Foreign Policy", u Tonra, Ben i Christiansen, Thomas (izdavači), *Rethinking European Union Foreign Policy*, Manchester University Press, Manchester/New York, str.62-80.]

Referenca za pojedini rad u časopisu:

Prezime, Ime godina publikacije, "Naslov", *Ime časopisa*, broj i godina izdanja, brojevi stranica. [npr. Krasner, Stephen D. 1996, "Compromising Westphalia", *International Security*, Vol. 20, No. 3, str. 115-151.]

Referenca za stranicu sa interneta:

Prezime, Ime ili Izdavač [event. godina publikacije], *Naslov*, ili *naziv stranice*, [event. Izdavač, Mjesto izdavanja], datum pristupa stranici, web-adresa stranice <<http://...>>.

[npr. Europska Unija 2004, Eurobarometer 61 [datum pristupa: 28.02.08], <http://ec.europa.eu/public_opinion/archives/eb/eb61/eb61_en.pdf>.]

PRILOG br.9 – IZJAVA O PLAGIJARIZMU

IZJAVA O PLAGIJARIZMU

Kao student magistarskog studija na _____ Univerziteta u Travniku, ovom
(naziv organizacione jedinice)

izjavom potvrđujem da sam magistarski rad napisao samostalno i koristeći se isključivo navedenom bibliografijom, te da ovaj rad nije korišten pri bilo kakvom drugom ocjenjivanju.

Saglasan sam da jedan primjerak mog rada bude javno dostupan preko biblioteke Univerziteta u Travniku.

Mjesto/datum _____

Potpis _____

Broj: /11

Datum: 28.03.2011.

Rektor, prof. dr Rasim Dacić